

ТРЕТИИ ЧАС

Приходные поклоны.

За молитв святых отец наших, Господи Иисусе Христе, Сыне Божии, помилуй нас. Аминь.

Царю небесный. Трисвятое. И по Отче наш. Молитва Иисова. Аминь. Господи помилуй (12). Слава, и ныне.

Приидите, поклонимся Царю нашему Богу (поклон).

Приидите, поклонимся Христу Царю и Богу нашему (поклон).

Приидите, поклонимся и припадём к самому Господу Иисусу Христу Царю и Богу нашему (поклон)

[Псалом 16.](#)

[Псалом 24](#)

[Псалом 50.](#)

Слава, и ныне. Аллилуия (трижды). Господи помилуй (трижды): Слава, тропарь дню, или святому. И ныне: Богородице, Ты еси лоза истинная.

Аще ли есть пост, глаголи сие, на глас 6, трижды: Господи Иже Пресвятыи Свой Дух, в третий час апостолом Своим пославыи, того Благии не отими от нас, но обнови нас молящихся.

Стих: Сердце чисто созижди во мне Боже, и Дух прав обнови во утробе моей.

Стих: Не отвержи мене от лица Твоего, и Духа Твоего Святого не отыми от мене. И по коемждо стисе: Господи, Иже Пресвятыи Свой Дух, весь до конца. И поклоны три. Посем, Слава, и ныне:

Богородице, Ты еси лоза истинная, возрастившая нам плод животный, Тебе молимся, моися Владычице, со святыми апостолы, помиловатися душам нашим.

Аще ли великий пост, бывает чтение в лествице. По скончании же чтения, псаломщик глаголет: аминь.

Господь Бог благословен, благословен Господь день дне. Поспешит нам Бог спасения наших, Бог наш, Бог спасти. Трисвятое. И по Отче наш, кондак дню, или святому, или празднику.

Аще ли же пост, глаголем тропари сия, глас 8.

Благословѣн еси, Христѣ Бѣже наш, Иже премудры ловцы явлей, низпослав им Дух Святыи, и теми уловлен вселенную. Человеколюбче, слава Тебѣ.

Слава. Егда сшед языки размеси, разделяше племена Вышнии. Егда же огненные языки раздал, в совокупление вся призва, единогласно славити Всесвятыи Дух.

И ныне. Надѣже и заступнице, и прибежище християном, и необоримая стено, изнемогающим и труждающимся в пучине, пристанище тихое Ты еси, Пречистая Богородице. Но яко мир избавлявши непрестанною Си молитвою, помяни нас, Дѣво Всепетая. **Господи помилуй (40). Посем молитва святого Великаго Василия:**

Иже на всяко время, и на всяк час, на небеси и на земли поклоняемыи и славимыи, Бѣже Благии, долготерпеливе и многомилостиве: Иже праведники любя, и грешных милуя, Иже всех зовыи ко спасению, обещания ради будущих благ: сам Господи, прими молитвы наша в час сей, и в благодати исправи живот наш к заповедем Твоим. Душа наша освяти, и телеса очисти, помышления исправи, и мысли очисти. Разум уцеломудри и истрезви, и избави нас от всякия скорби, зол и болезней и душевных страстей. И огради нас святыми ангелы Твоими, яко да ополчением их со блюдаемыми и наставляемыми, достигнем во единство веры, и в разум неприкосновенный Ти славы. Яко благо словен еси во веки, аминь.

Господи помилуй (трижды). Слава, и ныне, Честнейшую херувим. Именем Господним благослови, отче. За молитв святых отец наших.

Аще ли пост, творим три великия поклоны, глаголюще молитву: Господи и Владыко животу моему. И прочих поклонов, 12. И паки: Господи и Владыко животу моему, с поклоном. И по сем молитва святого Великаго Василия.

Владыко Бѣже, Отче Вседержителю, и Господи Сыне Единородный Исусе Христѣ, и Святыи Душе. Едино Бѣжество и едина сила, помилуй мя грешнаго, и ими же веши судьбами, спаси мя недостойнаго раба Твоего, яко благословен еси во веки, аминь.